

Q. D. B.  
DISSERTATIO P

QVA  
AUTORI  
PRÆCEP  
NOACHITI

IN ALMA PH  
CONSENSU AMPLISS  
ORDIN  
IN DUBIUM V

PRÆS  
M. GERHARDUS  
MENC

ET  
RESPON  
JOHANNES NICOLAUS  
OLDENBURG

AD D. XVIII. APRIL. A.  
EDITIO SECUNDA

---

LIPSI  
Literis BRANDENBU

Q. D. B. V.

IO PHILOLOGICA,

QVA

RITATEM

EPTORUM

ITICORUM

MA PHILYREA

PLISSIMI SAPIENTUM

ORDINIS

M VOCABUNT

RÆSES

DUS HERMANNUS

ENCKE

ET

SPONDENS

OLAUS à DUMBSTORFF

BURGENSES.

PRIL, A. R. S. MDCCXI.

CUNDA AUCTION,

IPSIÆ,

DENBURGERIANIS.

8.

BP 605

NG3.M46

1711

C.I

Rare

**VIRO**  
**MAGNIFICO, SUMME REVEREN-**  
**DO, CONSULTISSIMO, ATQUE EXCEL-**  
**LENTISSIMO,**  
**DOMINO**  
**LÜDERO MEN-**  
**CKENIO,**  
**ICTO,**

**REG. MAJ. POL. ET ELECT. SAX. CON-**  
**SILIARIO, FACULTATIS JURIDICÆ LIPSIENSIS**  
**ORDINARIO, ANTECESSORI PRIMARIO SU-**  
**PREMÆ CURIÆ PROVINCIALIS ASSESSORI-**  
**ECCLESIAE CATHEDRALIS, QUÆ MARTIS,**  
**BURGI EST, CANONICO, ACADE-**  
**MIAE DECEMVIRO, ET MINORIS**  
**PRINCIPUM COLLEGII**  
**SENIORI,**

**DE SINGULIS, QUÆ GERIT, OFFICIIS**  
**MERITISSIMO,**

**DOMINO, COGNATO ATQUE PA-**  
**TRONO SUO SANCTE DEVENERANDO.**



VIR MAGNIFICE,

PATRONE ATQVE COGNATE  
DEVENERANDE!

**P***Rimum nunc in publicum prodeunti,  
quisnam potissimum Patronus mihi  
foret salutandus, cum dispicerem,  
neminem TE rectius hac oratione  
mea adiri posse deprehendi : Legum  
etenim & Ipse Antistes & promuscondus, quique  
nihil magis urges, quam ut iustitia per TE sem-  
per*

per optume sese habeat; non putabis plane alienum, has pagellas, de legibus per antiquis conscriptas, tuo offerri exquisitissimo, & juxta leges rectæ rationis exacte formato judicio. Imprimis si cogites, hunc ipsum qui TIBI easdem tradit, plus una lege TIBI esse obligatum obstrictumque, cum monitis TUIS, pro lege habendis, ejus vitam maxime & studia formare non fueris dignatus; & ego ipse sanguinis vinculum, quo TIBI iunctus sum, maxima cum voluptate perceperim, ut vel prima occasio, qua meam TIBI, ILLUSTRIS VIR, & pietatem & subiectissimam mentem notam facerem, arripere ius fasque aestimaverim. Admisisti etiam me ad TUUM colloquium, in quo & antiquorum legis autorum gravitas, & recentissimorum elegantissima humanitas luculentissime apparet. Quam felicitatem mihi cupio perpetuam, nam & Cicero, legum Romanarum peritissimus, præcepit, ut iuvenes sese ad summos in republica viros conferant, & ex contubernio eorundem sapientes reddantur. Ut igitur imposterum & in me immerentem aliquid ex fonte TULÆ & per insignis benevolentia & consummatissimæ eruditionis derivetur, volui, debuique has tennes paginas, in pignus obstrictissimæ voluntatis NOMINI TUO ILLUSTRIS offerre, & publice simul devotam mentem testa-

ri,

*ri, quod hæcenus tantum licuit pietate privata.  
Accipe modo benevola mente primitias, quas de-  
misse TIBI consecro, Academicas, & animum po-  
tius offerentis, quam ipsum munus respice. De-  
us TUAM tueatur & auctoritatem & vitam, ut  
diutissime præsis Legibus & Reipublica, legesque  
antiquæ pariter ac recentiores, ad publicum bo-  
num formata, in TE inveniunt cum omnibus, qui  
legibus bonis subjecti vivunt, perpetuum firmum-  
que præsidium. Abs TE vero, VIR MAGNIFI-  
CE, eam mihi submissee expeto felicitatem, ut ea,  
qua hucdum me prosecutus es, benevolentia, ulterius  
complecti, TUOq; beare patrocínio ne dedigne-  
ris*

NOMINIS TUI MAGNIFICI  
ATQUE EXCELLENTISSIMI

Clientem devotissimum

Johannem Nicolaum a Dumbstorff.



AUTORITAS  
PRÆCEPTORUM  
NOACHITICORUM  
NEGATA.

CONSPECTUS DISSERTATIONIS.

- §. I. *Judeorum scripta fabulis plena sunt.*  
§. II. *Præcepta Noachitica, & sententia Hebræorum de illis recensentur.*  
§. III. *Vox Noachidarum explicatur, & de profelytis differitur.*  
§. IV. *Autores & fautores sententia de præceptis Noachiticis adducuntur.*  
§. V. *Sigillatim Dn. D. Buddei sententia producitur.*  
§. VI. *Argumenta ejus in medium profertur.*  
§. VII. *Respondetur ad argumentum primum.*  
§. VIII. *Respondetur ad argumentum secundum.*  
§. IX. *Respondetur ad argumentum tertium.*  
§. X. *Nostri sententia adducitur, & primum argumentum pro corroboranda illa affertur.*  
§. XI. *Secundum argumentum adducitur.*  
§. XII. *Tertium argumentum adducitur.*  
§. XIII. *Quartum argumentum adducitur.*  
§. XIV. *Quintum & ultimum argumentum affertur.*  
§. XV. *Sententia Hammondi & Clerici circa locum, Aët. XV, 20. adducitur, & refutatur.*



Judæorum  
scripta fabu-  
lis scatent.



Magnam certè, qui Hebræorum scripta penitus introspicere, & sedula volvere manu conſeuerunt, eandemque inusitatam antiquitatis affectionem plus vice simplici in illis deprehendent. Iste enim apud Rabbinos mos invaluit, ut recentissimis demum seculis incrustata ab iis commenta vetustissimis adscribere Patriarchis, & pro infallibili veritatis canaque antiquitatis documento venditare non erubescant. Innumera, quibus scripta eorum scatent, id comprobant exempla, quæ recensere supersedeo, cum ex unico in medium producto exemplo hujus veritatem asserti satis liquere existimem. Quod si enim decantata illa *septem Noachidarum præcepta* altius consideremus, tanta Judæorum videbimus nugamenta, quanta solent esse, cum sunt maxima. Longum foret, & actum ageremus, si prolixa hanc doctrinam declaratione excutere velimus, quare *horum* saltem *autoritatem præceptorum*, a nonnullis stabilitam in præsentī in dubium vocamus, eandemque *negatam* B. L. sistimus.

## §. II.

Præcepta  
Noachida-  
rum cum  
sententia  
Hebræorum  
recensentur.

De autoritate itaque præceptorum Noachiticorum pro institutione breviter acturi, genuinam prius, ne andabatarum more pugnemus, de Noachidarum præceptis, juxta Hebræorum placita, sententiam exponemus. Scilicet septenario numero legum istarum summam Hebræi Doctores complecti conſeuerunt, quæ a plerisque hoc ordine (licet alii alium servare malint) recensentur: (1) עבודת זור de cultu extraneo h. e. idololatria, (2) ברכת השם de benedictione, seu, sensu antiphrastico, maledictione nominis divini. (3) שפיכת רמים de effusione sanguinis humani. (4) גילוי עריות de revelatione pudendorum. (5) הגזל de rapina, ac furto. (6) הרגים de judiciis. (7) אבר מן החי de membro è vivo, h. e. de membro animalis viventis non comedendo. (a) De quibus omnibus Hebræi,

(a) Indigna ulteriori explicatione & prolixa recensione præcepta Noachitica existimasse videtur COCCEJUS, dum in comment, ad tit.

bræi, & quotquot istis subscribunt, eam foveant sententiam, ut sex priora Adamo data fuisse contendat; septimum verò mandatum Noacho additum perhibeant; quibus tempore Abrahami mandatum circumcisionis, precumque matutinarum; tempore Isaaci præceptum precum dicendarum in meridie, & separationis decimarum; tempore Jacobi præceptum de nervo luxato non comedendo, & precibus vespertinis; imò in Ægypto postea degentibus Israelitis, plura ab Amramo injecta præcepta, donec tandem sub Mose lex tota consummaretur, adjecta fuisse asseverant. Conferri hic meretur OTHO in *Lexico Rabbínico. Philologico* p. 402. 403. Hæc etiam esse præcepta, ob quorum violationem gentes mundi à Deo puniæ sint, statuit MENASSE BEN ISRAEL in *conciliatore, qu. 2. in Deuter* p. 221. (b) Præterea septem illa jamjam enumerata præcepta pro jure naturali omnium populorum venditare non dubitant, quæ in religione fidelium V. T. qui ante Abrahami tempora vitam exegerunt, omnem ferme paginam fecerint, omnique tempore idonea sint, quæ æternam omnibus hominibus conciliare possint salutem.

## § III.

Cum verò Judæi se ipsos ad plura alia, quam hisce præceptis contineri videmus, adstringi non disteantur, eamque ob causam *Noachidarum* præcepta ista appellent, operæ pretium erit, indagare, quoniam per Noachidas istos indigitare voluerint. Quod enim se ipsos hoc nomine prorsus excludere intenderint, vel ex eo dispalescit, quod summo cum fastidio nomen hoc respuant, eaque propter nos Noachidarum nomine cum probro insigniant. Sole meridiano clarius illud elucet è verbis *Gemara*, quæ adducit SELDENUS in suo *de jure nature* & gen-

---

*Sanhedrim*, c. 7. §. 5. p. 17. a. ea, quæ de iis in *Gemara* accongeruntur, adscribere, intempestivum pronunciat.

- (b) Contrariam tamen defendit sententiam MAURITIUS de principiis juris publici Germanici c. 3. §. 17. p. 38. scilicet, ne ipsos quidem Judæos ea in profelytorum domicilii professione exegisse, neque propter eorum violationem in judicium vocasse Noachidas: Unde vix serio existimare potuerint eorum violatione, in naturæ legem peccari.

et gentium juxta disciplinam Hebræorum opere, l. 1. c. 10. p. 118.  
 חֲתָנֵי יִשְׂרָאֵל עַל שְׁמֵי וְאִמְרֵי וְעַל שְׁמֵי בְנֵי נָח.  
 h. e. nomen sortiti sunt Israëlita ab Abrahæ nomine, et minime à Noachidis.  
 Quàm futile verò, acinane illud sit effugium, nemo inficias ibit, qui  
 æqua lance ponderaverit, ipsum Abrahamum Noachidam extitisse, quò  
 etiam vocabulo nonnunquam in eorum scriptis nuncupari solet.  
 Vid. SPENCERUS de Legibus Ebræorum ritualibus l. 2, c. 2. p. 443. Noa-  
 chida itaque, teste MARSHAMO in canone chronico, seculo IX. p. 160, et  
 MAURITIO de principiis juris publici Germanici, c. 3. §. 17. p. 38. ipsis audiunt  
 gentes omnes, præter Hebræos, qui Abrahamida, vel potius Israëlita,  
 vocari amant. Unde patet, eos intelligi oportere populos, qui extra  
 Judæam nati, ad cœtum Judaicum se convertunt, Græcoque nomine  
 προσήλυτοι (a προσηλυθέναι, vel προσεληλυθέναι, adveniando) vulgò  
 nuncupantur. Duplicis autem generis profelytos antiquitatis Hebrææ  
 indagatores ut plurimum recentent, גֵּר צַדִּיק profelytos justitiæ,  
 & גֵּר תּוֹשֵׁב vel שַׁעַר, profelytos domicilii, sive portæ. (Quamvis alii,  
 (c) ternarium amplectentes numerum, addant גֵּר שְׂכִירִים profely-  
 tos mercenarios; peregrinos scilicet mechanicos, qui patria relicta  
 inter Judæos habitaverunt, artis mechanicæ addiscendæ causa, quod  
 verò profelytorum genus, cum ad inquilinos pertineat, superfluum  
 esse cum DN. D. CYPRIANO in dissert. de baptismo profelytorum Judaico, c.  
 2 §. 1. p. 11. existimamus. d) Priores, qui etiam גֵּר בְּרִית profelyti foe-  
 deris

- 
- (c) Admittunt ternarium profelytorum numerum LEUSDENIUS in  
 philologo Ebræo mixto, dissert. 21. p. 142. seqq. HOTTINGERUS in the-  
 sauro Philologico l. 1. c. 1. sect. 3. p. 19. et FRASSEN in disquisitionibus Bi-  
 blicis in Pentateuchum, ad Gen. c. IX. p. 176. seqq. sed in binario numero  
 acquiescit GODWINUS Mose in et Aaron l. 1. c. 3. §. 5. p. 16. 17.
- (d) Neque enim triplex profelytorum genus ex loco Exod. XII, 45.  
 idoneo corroborari potest argumento. Nihil namque aliud sco-  
 pus textus insinuat, quam eos, qui per circumcisionem in foedus  
 Dei non sunt recepti, à comedendo Paschate esse excludendos.  
 Exinde vero nefas est, inferre, triplex dari profelytorum genus,  
 cum inquilini atque mercenarii unam tantum profelytorum  
 classem constituent.

deris, vel גרים גרים profelyti tracti, h. e. à se ipsis moti, ad  
Judaismum suscipiendum, nuncupabantur, præputio abscisso, se to-  
tos pædagogix Mosis subdebant, zeloque colendi veri Numinis,  
Judaico-more, Mosis legem profitebantur. (e) Posteriores, qui et-  
iam צדיקי אמת העולם pii gentiles seculi, vel צדיקי אמת העולם  
justi gentiles seculi appellabantur, dummodò septem filiorum Noæ  
præcepta exactè observent, æternæ in futuro seculo participes fore  
beatitudinis credebantur. Rotundè rem exprimit DN. D. J. ANDR.  
SCHMIDIUS in dissert. de symboli Apostolici in Talmude ruderebus, §. 19.  
Sunt itaque בני נח filii Noæ, probi præsertim, nec vitiiis his indulgentes, idem  
in Talmude, quod profelyti domicilii. Nec non LEIDEKKERUS de Repu-  
blica Hebræorum, l. 6. c. 7. p. 373. Qui ea præcepta receperit, vocabitur pro-  
felytus domicilii quolibet loco. Interim tamen, quæ obligabant profely-  
tos domicilii septem præcepta, profelytis justitiæ, cum sacristingen-  
di essent, tanquam per repetitionem tradebantur, vid. DN. D.  
SCHMIDIUS l. c. §. 18. p. 25.

§. IV.

His præstructis, facile, opinor, judicatu erit, in eo totos esse  
tantum non omnes Hebræorum doctores, ut horum *אבותיו* præ-  
ceptorum non modo constanter asseverent sed & acriter propugnent.  
Sic eam amplectitur sententiam R. MOSES BEN MAIMON *in Hale-*  
*cha Melachim* c. 9. Ipsi continent *Talmudista in Gemara Babylonica*, ad  
*tit. Sanhedrim*, c. 7. f. 56. a. & ad *tit. Joma*, c. 6. f. 67. b. & *Antor tã Breschie*  
*Rabba*, *parafch*. 34. f. 37. col. 3. Subscribit quoque huic sententiæ GIL-  
BERTUS GENEBRARDUS, *Archi-Episcopus Aquensis*, l. 1. *chronol. ad*  
*annum mundi 1656*. Nec abhorret ab hac opinione JURIEU *dans histo-*  
*ire Critique des dogmes, & des cultes*, part. 1. chap. 6. p. 39. *seqq.* qui magno  
hanc assertionem præditam esse fundamento, satisque videri probabi-  
lem, asserit. Conf. SELDENUS *de jure natura & gentium*, juxta disci-  
*plinam Hebræorum*, l. 1. c. 10. p. 116. *seqq.* item *de Synedriis*, l. 1. c. 2. p. 5. *seqq.*  
FRASSEN *in disquisitionibus Biblicis in Pentateuchum*, ad *Gen. IX.* p. 176.  
*seqq.* & MARSHAMUS *in Canone Chronico*, *seculo* 9. p. 160. & 184. ubi  
plura ad hoc argumentum spectantia reperientur.

S. V.

¶ Tria interim juxta Maimonidem requiruntur ad Israëlitam & profelytum justitiæ, circumcisio, baptismus, & sacrificium, *vid. GELERUS in comment. in Psal. XXXIX, 13. p. 509.*

## AUTORITAS PRÆCEPTORUM

## §. V.

Sententia  
Theologi  
Jenensis.

Sigillatim ex nostri ævi Theologis, Viro Celeberrimo, & de re Literaria meritissimo, DN. D. JOHANNI FRANCISCO BUDDEO, in libro, quem inscripsit: *Introductio ad historiam philosophiæ Hebræorum*, p. 14. seqq. non adeo improbandum hoc dogma videtur. Enimverò præcepta ista Noachidarum, ut vocat, celeberrima, tanquam sapientiæ Noachicæ monumentum, à Noacho profluxisse, manifestum esse arbitratur. Hinc Noachum in hisce præceptis suis juris naturalis ac positivi divini capita quædam complexum esse, asserit, valde verosimile existimans, eum obviam ire illis voluisse iis vitiis, quibus antediluvianii homines maximè dediti fuerunt, quibusve sibi & orbi universo exitium attraxerunt.

## §. VI.

Argumenta  
ejus recen-  
sentur.

Argumenta, quibus Vir Celeberrimus, atque Doctissimus sententiam suam corroborare annititur, ad tres potissimum classes revocari possunt: 1) Nullam se videre causam asserit, cur hæc gentis Ebrææ traditio vocari in suspensionem debeat. 2) Manifesta putat se horum præceptorum invenisse vestigia in libro Jobi, antiquissimo sanè, &, ut plurimi volunt, ab ipso Mose, priusquam populum Ebræum ex Ægypto educeret, conscripto. Hinc primum præceptum de idololatria probaturus, provocat ad Jobi c. XXXI, 26. secundum de blasphemia, ad c. l. 12. tertium de homicidio, ad c. XXXI, 29. quartum de adulterio, ad c. XXXI, 9. quintum de furto, ad c. XXXI, 7. sextum de judiciis, ad c. XXIX, 1. Septimi autem Noachidarum præcepti de animalis viventis membro non comedendo, nulla in libro Jobi, antiquissimo licet, occurrere vestigia, lubens Vir Doctissimus fatetur. 3) Sententiam suam confirmare allaborat ex eo, quod in antiquissimarum gentium, præsertim Ægyptiorum ritibus, moribusque juris hujus Noachidici reliquiæ quædam deprehendantur, quod ut demonstret, recipit sese ad MARSHAMI *canonem chronicum*, secundo p. 161. seqq.

## §. VII.

Refutatio  
argumen-  
tum pri-  
mum.

Quod itaque pace Viri Celeberrimi fiat, perlustrabimus paucissimis doctissima ejus argumenta, nostramque qualemcunque pro ingenii

## NOACHITICORUM NEGATA.

9

ingenii modulo iisdem subjungemus ἐπιχειρῶν. Quod primum concernit argumentum, quo statuit Vir Celeberrimus, nullam se videre causam, cur hæc gentis Ebrææ traditio vocari in suspicionem debeat; crediderim sanè, gravissimas subesse rationes, quæ nos vel invitos ad præbendum dissensum, & denegandam dictis fidem impellant, atque commoveant. Constat enim inter omnes, quàm nugivendula sit gens natio Judaica, quamve in tradendis somniis, & proponendis fabulis suas quærat delicias, hinc omninò cautos, & circumspēctos nos esse oportet, ne rancidis Hebrææ gentis scriptoribus nimiam in hoc passu tribuamus fidem, adeoque pro Junone nubem, & pro veris falsa amplectamur. Ceteras dissensionis nostræ rationes, solutis reliquis, quæ nobis obvertuntur, argumentis, in medium proferemus, ex quibus satis clarè, & dilucidè patebit, non omni nos carere fundamento, dum negativam sententiam præ affirmativa intrepidè adhuc tuemur.

## S. VIII.

Sed longè majori specie gaudere videtur alterum, quod adduxit, argumentum, quo operam dat, ut probet, in ipsis sacris oraculis, coelestibus religionis monumentis, non obscura horum præceptorum occurrere vestigia, ex quo relinquatur, ut ἀγάρφα, vel ἀντίγραφα, hæc præcepta sugillari nec posse, nec debere. Provocat ad antiquissimum Sacræ Scripturæ librum, eumque juxta plerorumque sententias à Mose conscriptum, scilicet Jobum, (f) ex quo nunc hinc, nunc inde quædam decerpfit, quæ scopum suum quodammodo ferire, & ad demonstrandam septem præceptorum Noachiticorum ἀντιστοιχίαν facere videbantur. Sed, quod bona Tanti Viri venia dixerim, admodum

Refutatur  
argumen-  
tum sequen-  
dum.

B

infr

(f) Neque enim huic sententiæ morose repugnabimus, quin potius eidem cum celeberrimis quibusdam Theologis lubentes subscribemus, ut Moses scripturæ Canonicæ primus habeatur Autor, vid. CALOVIIUS in Critico Sacrop. 77. Id tamen cum PFEIFFERO in Critica Sacra p. 55. ægre concedimus, nos hodie non textum primitivum libri hujus Canonici, sed translationem modo habere. Sive enim Jobus in Idumæa vixerit, sive in Arabia, nil obstat, quin Arabis res gestas Moses texat idiomate pure Ebræo uti Pharaonis Ægyptii historiam sine contagio Coptismi scripsit.

# AUTORITAS PRÆCEPTORUM

infirma mihi hæc argumentandi ratio videtur. Ut enim silentio in volvam, septimi præcepti, fatente ipso Celeberrimo Viro, nulla in libro Jobi occurrere vestigia, ex quo, si κατ' ἀνθρώπων disputare velimus, invictò argumento lequeretur, non septem, sed sex Noachidarum præcepta dari, utpote quæ in libro Jobi tantum recensentur: Istud saltem h. l. notari meretur, omnia ista ex Jobo adducta loca assertioni nostræ prorsus non adversari, illa enim doctrinæ capita à Jobo debuisse observari, nemo unquam inficias ibit. Sed hoc saltem controversiæ nostræ caput est, numne præcepta ista à Noacho fuerint profecta, quod diffitemur, & ex locis adductis probari non posse confidimus. Enim verò, si ita argumentari liceret, quid prohiberet, quò minus omnes Jobi virtutes ex libello ejus colligamus, atque ex singulis pro lubitu præceptum aliquod Noachiticum nobis formemus? inprimis, cum de decantatis istis Noachidarum præceptis ne γὰρ in toto sacro Codice legatur. Unde igitur apodicticè, vel saltem probabiliter colligitur, hæc ipsa præcepta à Noacho profluxisse, eique suum debere ortum, quod tamen manifestum esse arbitratur Celeberrimus vir? Numne forte ex ipsis Noachi libris, quorum meminit AUGUSTINUS l. 18. de Civitate Dei, c. 38.? Atqui vero hos ipsos suppositos esse, largitur Doctissimus Vir. Numne ex constanti Hebræorum traditione? Hanc verò lubrico inniti fundamento, jam supra occupatum est. Firmo ergo stat talo, nullum in sacris literis Noachiticis præceptis inveniri præsidium.

## §. IX.

Tertium denique argumentum, quo suam stabilire conatur hypothesis, huc potissimum redit: Quod in antiquissimarum gentium, præsertim Ægyptiorum, ritibus, moribusque juris hujus Noachidici reliquæ quædam deprehendantur. Sed nec hoc argumentum stringere mihi videtur, vel probare id, quod probare debebat. Nihil enim aliud insinuat, quam rudera nonnullorum ad jus naturæ spectantium præceptorum apud Ægyptios reperiri: Quid verò hoc ad demonstrandam præceptorum Noachiticorum ἀνθενίαν conferre debeat, fateor, me nondum perspicere, quandoquidem nulla eorum mentio injicitur, & præterea adhuc alia juris divini capita ab Ægyptiacarum rerum scriptoribus recensentur. Sic ipse MARSHAMUS in canone chronico, sec. 9. p. 187. seqq. reliquias apud Ægyptios ostendit dogmatum Chri.

Refutatur  
argumen-  
tum ter-  
tium.

Christianorum de honore Parentum, de fugiendo mendacio, & sanctificando sabbato, de quibus tamen altum in septem præceptis Noachiticis apparet silentium, neque quisquam sufficienti, & idonea probatione hæc capita ad Noachidarum præcepta referre unquam poterit. Ne quid addam de præcepto de revelatione turpitudinum; licet enim asperæ quoque poenæ in Ægyptiorum legibus circa mulierum delicta statutz essent, eorum tamen consuetudinibus hoc præceptum maximè adversari, ex Levit. XVIII, 3. dispalescit. Sic ad præceptum de membro animalis vivi non comedendo, ex Ægyptiorum disciplina nihil annotatum reperitur, iudicio WITSII in *Ægyptiacis*, l. 1. c. 5. p. 22. Indulgeat ergo suavis istis Rabbiorum somniis, quisquis velit, sufficit, quod nullo idoneo argumento eorum sententia fulciatur, & Sacrarum præcipue Literarum testimonio, ac confirmatione destituatur.

## §. X.

Remotis itaque obstaculis, nil amplius restat, quàm ut nostram in medium proferamus sententiam, eandemque validis corroboremus argumentis. Nobis enim cum HOFMANNO in *Lexico Universali*, T. III. p. 336. & OSLANDRO in *typo legis naturæ* p. 177. Talmudicorum commentis annumeranda hæc doctrina videtur, qui, sueto a Magistris istis mentientibus, dissilidine, illustriora quæque ad Patriarchas, vel Prophetas Auctores referre solent. Sunt enim pleraque juris naturalis dictamina, ex Decalogo repetita, eodemque ordine disposita, inque Israelitarum, ut videtur, Republica olim usurpata. Et primo quidem admodum suspecta mihi hæc de Noachiticis præceptis doctrina videtur, quoniam ne inter ipsos quidem Judæos, quorum tamen traditione unice innititur, de iusto horum præceptorum numero convenit. Extra omnem dubitationis aleam illud positum erit, si perpendamus insignem illam, ac palpabilem Judæorum circa hoc argumentum discordiam. Mischna enim horum præceptorum prorsus non meminit, Gemara Babylonica verò septem præceptorum mentionem injicit, quibus tamen R. Chanina adjecit præceptum de sanguine viventis, R. Chidkai in super de castratione, R. Simeon de magia; R. Eliezer de heterogeneorum animalium admissione, arborumque insitione. Vid. MARSHAMUS, ipsa in Gemara contenta verba adducens, in *canone chronico*, sec. 9. p. 260. Quæ omnia satis perspicue indicant, aut prorsus falsam, aut certè ad minimum dubiam esse illam de septem Noachidarum præceptis sententiam: Ex falsis enim

Nostra sententia adducitur,

Argumentum primum,



aut dubiis principiis nunquam vera aut certa orientur principiata. Si igitur dubio non caret ipsa Rabbiorum de hac materia hypothesi, qua quæso ratione ipsorum dicta, tanquam certa, explorata, & indubitata haberi possunt? Firmissima ergo persistit nostra argumentatio, qua ex summo Judæorum dissensu de infirmitate thesios adversæ concludimus, eandemque inter Judaica nugamenta, ac fabulosas historias merito quodam suo referimus.

## §. XI.

Secundò illud obstat, quò minus contrariæ me adscribere sententiæ possim, quoniam eadem *אֵינֶנּוּ* est, nec ullo in divinis oraculis fundamento gaudet. Quod si enim vel totus pervestigetur Sacer Codex, in nullo loco, vel vola, vel vestigium septem Noachiticorum præceptorum deprehendetur. Ostendat mihi quispiam, & erit mihi magnus Apollo, a Nocho illa profluxisse præcepta: Ostendat, profelytos hinc tantum præceptis jure divino pleneri, & vietas manus dare non reculabo: Ostendat, denique horum tantum præceptorum observationem æternam conciliare posse salutem, & haud difficilis in suffragando sum futurus. Quæ omnia eò me adducunt, ut firmiter mihi persuadeam cum SPENCERO in *tract. de Legibus Ebraeorum ritualibus*, l. 2. c. 2. p. 443. meritò dubitari posse, an unquam præcepta illa (quorum apud Hebræos mentio tam frequens) Adami, vel Noachi filiis ante Mosis tempora fuerint mandata, cum eorum in Sacris Literis, & Josephi scriptis ne vel auram levisimam percipere liceat: A probabilitate verò longè distat, Scriptores eos rem tam claram, & literis aureis mandari dignam, modò veritati consonam, silentio præterire voluisse, cum præsertim id agerent, ut celebriora omnia, Rempublicam Hebræorum spectantia memoriæ traderentur. Omnia certe ea fundantur (ut CARPZOVIVS judicat in *notis ad SCHICKARDI jus Regium Hebræorum*, p. 333. 334.) in Talmudis Babylonici Gemara, Mascehet Sanhedrin, f. 56. col. 1. 2. unde & Maimonides sua hac desumpsit: *Quamquam & ante Talmudis consarcinationem R. Jose ben Chilpeta, præceptor Jehuda Sancti, Autoris Mischna, ea recensuerit in seder Olam Rabba*, c. 5. f. 6. col. 2. In medio hanc sententiam relinquit MEVIUS in *nucleo Juris naturæ & gentium*, inspect. I. n. 10. p. 18. qui tamen p. 13. id largitur, quod, Deum leges quasdam humano generi in universum dedisse, historica fide certa non constet. Neque

p. 18. asserere audeat, horum præceptorum ut à legis atore factam fuisse publicationem, licet illa ex naturali ratione mentibus indita, & dictata, & à Noacho liberis atque posteritati inculcata fuisse, certum existimet. Sed accuratè hanc controversiam decidit LEIDEKKERUS in tract. de Republica Hebræorum, l. 6. c. 7. p. 378. De præceptis septem Noachi, dicens, non est quid in Scripturis, nec de coactione ad ea observanda, nisi quod gentes Cananaeas, in Legem naturalem peccantes Deus iusto consilio excindi præceperit. Consentit DORSCHÉUS in discussione explicationis circa locum Act. XV, 20. de sanguine, & suffocato, assert. 1. §. 2. Dubium est, inquiens, an id, quod de præceptis, filiis Noe datus, ex Rabbini traditur, se omnino ita habeat: Certe Scriptura de eo nihil habet: Et Adamo, & Noacho plura præcepta fuisse, quàm istis traditis continetur, satis manifestum est. Sic FRISCHMUTHUS in dissert. de septem Noachi præceptis §. 3. nonnisi ex Talmudistarum, & Rabbinarum Scriptis hæc præcepta hauriri posse, fatetur. Consentit MAURITIUS de principiis juris publici Germanici, c. 3. §. 17. p. 38. OSIANDER in typolegis natura, p. 177. nec non ad Groetium, p. 260. seqq. Prorsus ad rem PUFENDORFIUS de origine & progressu discipline J. N. §. 1. p. 201. Ut quis omnibus populis & à Deus Isaac ejus traditionis, & numerum istorum præceptorum, argumentis utrinque admissis, persuadeat, id verò valde arduum fuerit. Quid? quod ipsi sententiæ adversæ fautores diffiteri illud non possunt, dum in Sepher Jekar, P. III. c. 14. disertè legitur: Se de præceptis hisce loqui לִפְיָ קְבֻלַּת רִאשִׁי juxta traditionem Rabbinarum nostrorum pia memoria. Eadem ratione R. Jehuda ben Samuel in Sepher Cosfi, part. 3. §. 73. apud SELDENUM de Jure natura & gentium, juxta disciplinam Hebræorum, l. 1. c. 10. p. 121 inquit: אֵין אֶצֶר הָעֵץ בְּכִלְוֵי בִשְׁבַע הַמִּצְוֹת הָאֵלֶּה h. e. Attamen habetur vulgò traditio de septem istis præceptis. Cumque ipsam religionem in hac materia implicari, in propatulo sit, siquidem profelytis, dummodò hæc septem præcepta observent, ( quibus tamen plura fuisse observanda, in confesso est, beatifica Dei visio ab Hebræorum Magistris adscribitur, invictum mihi exinde nascitur argumentum: Quodcunque Scriptura Sacra in rebus, religionem nostram concernentibus silet, & sine ullis vestigiorum notis tacita præterit, illud dubiam certè, si non prorsus falsam, parit fidem, nam extra sacras Literas in salutis negotio curiosis nobis esse non licet, monente HACKSPANIO in sylloge disputationum, oratione, de necessitate sacra Philologiae p. 29. Atqui de præceptis Noachiti-

cis hætenus illud est evictum. Ergò. Imò totum illud dogma, quantum quantum est, Rabbiniſmum ſapere, non infeliciter probaſſe videtur SPENCERUS *l. c.* tùm ex numero ſeptenario, cum adhuc alia, e. g. de Parentibus honorandis, de uxore ducenda fratris, ſine liberis defuncti, Gen. XXXVIII, 3. &c. Noachidis imperata eſſe, in aprico ſit; tùm ex præceptorum titulo, dum nos quali per contumeliam *Noachidas* ſalutare ſoliti ſunt, id quod Biblicis loquendi rationibus minime reſpondet.

## §. XII.

Argumen-  
tum ter-  
tium.

Tertiò ea pro nobis militat ratio, quod hac ratione, ſi nonnulla horum præceptorum veſtigia ex libro Jobi, haurire velimus, non, ut vulgò fertur, ſeptenarius, ſed vel centenarius horum præceptorum numerus ſit adſtruendus. Patet illud per ſe; dum enim ſeptem præceptorum Noachiticorum exiſtentiam, atque autoritatem demonſtrare anni untur, ad Jobi virtutes ſe recipiunt, in quibus integrum horum præceptorum ſyntagma ſe inveniriſſe putant, quibus veluti armis omnia ſecus ſentientium tela uno icſtu proſligari poſſint. At enim verò virtutes Jobi non ſeptenario tantum numero, aut iis, quæ in Noachiticis præceptis recenſentur, capitibus continebantur, ſed in longè ampliòra ſpatia ſe diffundebant. Inſignis Jobi ſpatientia in ſacris monumentis tanta præfulget excellentia, ut ipſe Spiritus Sanctus mirificè eam commendet. Heroica ejus in Goëlem ſuum fides, cum fundamentum fidei conſtituat, primarium certè horum præceptorum caput occupare debuiffet. Et quis omnes Jobi virtutes in medium proferre audeat, quibus commemorandis paginarum anguſtia certè non ſufficeret? Apertum igitur eſſe crediderim, admodum incongruè pro demonſtranda horum præceptorum ἀριθμία ad librum Jobi provocari; cùm enim nulla Noachi mentio injiciatur, & plura inſuper præcepta Jobus obſervare ſtuduerit, ne conjeſtando quidem aſſequi poſſum, qua ratione, vel veri aliqua ſpecie Noachidarum præcepta commodè ex hoc libro deduci queant.

## §. XIII.

Argumen-  
tum quar-  
tum.

Quartò noſtram ſtabilimus ſententiàm ex inſufficienti præceptorum enumeratione. *Major namque fuit pietas Patrum ante diluvium, & Noachi, quam qua hiſce præceptis continetur, nec in hiſtoria V. T. aliquod eſt*

est istius, quod somnians, juris vestigium, ut loquitur LEIDEKKERUS de Republica Hebræorum, l. i. c. 5, p. 28. Sex enim priora præcepta aut Adamo data fuerunt ante lapsum, aut post lapsum. Si ante lapsum, saltem non opuserat, adversus idololatriam tunc ipsum admodum monere, & præterea datum ipsi præceptum de Sabbato, nec non de non edendo ex arbore scientiæ boni & mali: Si verò post lapsum, postquam restitutus erat per promissionem Messie, longè pluribus exercitiis, quàm in his præceptis commemorantur, ipsius pietas constabat. Nec dubium est, quin præceptum etiam de sacrificiis acceperit, nam credendum utique; Abelem per fidem offerentem esse imitatum Parentem Adamum, ut rectè infert LEIDEKKERUS l. 6. c. 7, p. 378. Verissima igitur sunt, quæ profert RACHELIUS in Dissertationibus de J. N. & G. th. 100, p. 99. Inter septem illa Noachidarum præcepta, uti non desunt, que juri arbitrario relictus accenscas, ita multa eaque gravissima juris vere naturalis præcepta reliquis addi ab Ebraeis debuerunt.

§ XIV.

Quintò denique confirmatur sententia nostra ex falsi assertionem. Pa- Argumentum quintum, tebit illud cuius primo intuitu ex septimo præcepto, quod neque ad capita juris naturalis, neque positivi universalis referri potest. Quodcunque igitur legis ceremonialis proprium est, ad legem moralem incommode transfertur. Nervosè hæc complectitur ZENTGRAVIUS in disquisitione de origine, veritate, & obligatione juris gentium, artic. 1. §. 36. p. 53. 54. Quicquid sit de historia rei, quam Hebræorum & Rabbinorum fidei relinquimus, præceptum septimum de membro animalis vivi non comedendo, ad jus universale non pertinere, manifestum est; cetera vero, communia licet, insufficenter sunt enumerata. Nec non OSLANDER in typo legis naturæ p. 176. Omnia illa esse legis naturæ, que in septenario hoc occurrunt, grande nimis videtur postulatum: Sanè illud de membro animalis viventis non comedendo, quod ipsi Talmudistæ extendunt ad sanguinis comestionem prohibitam, juris naturalis esse nequit. Imo dubium adhuc existimamus cum DORSCHEO l. c. artic. 1. §. 3. an omnia Adamo. & Noacho præcepta perpetuo gentes obligaverint. Fuit sanè præceptum Adamo datum de sacrificando, & ita representando semen mulieris, demum sacrificio suo contritum caput serpentis. (.) At istud non obligavit ultra tempus oblationis Christi, licet sacrificiorum oblatio ex more Judaico aliquandiu post ascensionem Christi tolerata fuerit. Non igitur, quod ante Moysen, Adamo, & Noacho præceptum est, omnes homines, semperque obligat ex eo capite, nisi aliunde obligationis

*gationis ostendatur ratio.* His ita se habentibus, longè utiquè consultius erit, ab istis loquendi formulis prorsus abstinere, & præceptorum Noachiticorum auctoritatem suo loco, suisque Autoribus relinquere. Nostrum ergò facimus elegans LEIDEKKERI epiphonema, l. c. l. 6. c. 7. p. 379. *Nova sunt Judæorum commenta, recentia jura, in Scripturis planè ignota, in Republica antiqua Hebræorum non usitata. Non licet, recentia Judæorum commenta pro veris antiquitatibus Hebræorum obtrudere.*

## §. XV.

Locus Aët.  
XV, 20. vin-  
dicatur,

Palmarium GROTIUS, cum quibusdam aliis, videtur argumentum, ex Aët. XV, 20. depromptum, ubi jubentur gentiles abstinere à contaminationibus simulacrorum, & fornicatione, & suffocatis, & sanguine. (g) Ex hoc loco enim HAMMONDUS colligit, *non oportere à gentilibus circumcissionem requiri, cum ad fidem Christi convertuntur, sed satis esse, si modo Noachidarum admittant præcepta, uti solent proselyti portæ.* Sed enim verò facilè hujus imbecillitatem argumenti prævidit CLERICUS in notis ad Hammondi paraphrasin; admodum enim laborat, ut sufficientem reddere queat rationem, cur quatuor saltem, omis sis reliquis, commemorentur præcepta, imò septem illa præcepta in hoc versiculo implicite commemorari putat. Initio enim vero non absimile putat, hoc Phocylidis versu:

Ἄμα δὲ μὴ Φαγεῖν: εἰδωλοθύτων δὲ ἀπέχεσθαι.

*Sanguinem non comedere, & abstinere ab idolothytis*, integrum præceptorum Noachiticorum numerum designari. Deinceps ostensurus, singula in hoc versiculo recitari præcepta, primum præceptum de abstinendo ab idolothytis duo priora continere contendit; alterum de abstinentia a sanguine ad tertium refert; tertium de suffocatis ad septi-

(g) Eandem fovere videtur sententiam CORNELIUS à LAPIDE, qui ad h. l. ita commentatur: *Nota, vetari hic Christianis esum sanguinis & suffocati, non idcirco, quod lex Moysi Judæis illa vetaret, ( ) sed quod illorum usus veritus esset a Deo, ante legem Noe, & posteris ejus paulo post diluvium, Gen. IX, 4. Hoc ergo præceptum positivum à se datum olim toti mundo, hic renovat Deus gentilibus, ut eos cum Judæis illud observantibus conciliet. Nec abludit SCHRINDLERUS in Lexico Pentaglotto, rad. מִשׁ p. 1530.*

septimum reducit; quartum de fornicatione in quarto quoque præcepto Noachitico quærendum esse existimat. Quintum præceptum de furto ex editione Complutensi supplendum censet, ubi hæc verba habentur, ne, sibi quod fieri non volunt, id aliis faciant. Præceptum denique sextum de judiciis jure omitti potuisse arbitratur, quoniam Judæi vivebant sub Romanorum potestate, nec, qui a Gentilismo ad Christianismum accedebant, obsequium, quod exhibebant Magistratui, erant exuturi. Sed enim vero admodum coacta hæc derivandi ratio mihi videtur. Quid enim præcepto de abstinendo ab idolothytis cum præcepto de maledictione Nominis Divini? Nec ulla apparet convenientia inter præceptum de abstinencia ab esu sanguinis, & inter præceptum de effusione sanguinis: Toto enim coelo differunt, abstinere ab esu sanguinis & non committere homicidium: Illud est ceremoniale, hoc morale. Quodque CLERICUS ad editionem Complutensem confugiendum esse existimat, desperatam causam indicit, ut &, quod præceptum de judiciis inutile arbitratur. Nos ex ipsa textus *συναφεία* argumentum in contrarium desumimus & inprimis particulam, *μηδὲν πλεον* urgemus, hinc frustra sunt, qui quatuor illis præceptis, ad tempus datis, addere quædam non dubitant. Nihil enim minus h. l. quam præcepta Noachitica insinuantur, cum in eo Apostolus operam, studiumque suum collocaverit, ut ethnicos, imbecilles in fide, æternæ salutis hæredes constitueret. Prohibuit circumcisionem, quam necessariam existimabant Judæi, & pro illa temporis ratione quatuor saltem ista capita ethnicis commendare voluit, ut omne evitaret scandalum, licet successu temporis pleraque illa capita fuerint rejecta. (h) Cum igitur hic nulla præceptorum Noachiticorum injiciatur mentio, & nulla illorum vestigia deprehendantur, isti quidem sententiæ nostrum adicere calculum, merito dubitamus.

(h) Non incongruum, vel contemnendum est B. CALOVII in *Bibliis illustratis*, ad h. l. p. 894. judicium: *Dubium est, an hic Apostoli ad præcepta Noæ data obligari gentes voluerint, quia leges filiis Noæ datæ dicuntur tantum fecisse profelytum portæ, qui exterius cum Judæis conversari potuerit, non profelytum justitiæ, qui in interiori communionem, cujus hic ratio habetur, fuerit.*

F I N I S.